



UNIVERSITI
TEKNOLOGI
MARA



info kampus

UiTM Sarawak

Jln Meranek, 94300 Kota Samarahan, Peti Surat 1258, Kuching, Sarawak. Tel: 082-677200 Telefax: 082-677300 - website: www.sarawak.uitm.edu.my

Isu 56

15hb Mei 2007



Ser - CN :2805

Info Kampus
5;May,2007



Tahniah! kepada En Abdul Jalil Lob atas perlantikan beliau sebagai Timb Pengarah HEP dan ribuan terima kasih kepada Prof Madya Dr Haji Abang Ahmad Ridzuan Abang Awit atas segala sumbangan beliau.

Kursus Induksi Keselamatan dan Kesihatan Pekerja Kendalian CIDB

Prof Madya Dr Hj Jamaludin Bin Mohd Aris

Fakulti Senibina, Perancangan dan Ukur UiTMKS telah menganjurkan Kursus Induksi Keselamatan dan Kesihatan siri 1 pada hari Sabtu 10hb. Februari 2007 yang lalu. Kursus yang dikendalikan oleh penceramah dari Lembaga Pembangunan Industri Pembinaan Malaysia (CIDB) Cawangan Sarawak ini telah dihadiri oleh 44 peserta terdiri dari pelajar-pelajar semester 04 Diploma Bangunan (AP116) dan Diploma Ukur Bahan (AP114) dan pensyarah. Bertempat di bilik B127, kursus ini berjalan dengan jayanya dari jam 8.30 pagi dan tamat pada jam 4.30 petang.

Ia bertujuan untuk meningkatkan kesedaran mengenai keselamatan di tempat kerja lebih-lebih lagi di tapak-tapak pembinaan. Kajian oleh Jabatan Keselamatan dan Kesihatan (DOSH) menunjukkan industri binaan adalah salah satu industri yang mempunyai risiko kemalangan yang tinggi termasuk kemalangan maut. Menyedari hakikat ini, pihak fakulti bertindak proaktif dengan menganjurkan kursus ini lebih-lebih lagi kumpulan pelajar-pelajar ini akan menjalani latihan praktik pada semester hadapan (sesi Jun-Nov 2007).

Kursus dimulakan dengan kata-kata nasihat dan dorongan oleh Ketua Program Diploma Ukur Bahan En. Husnul Nizam Hussin dan Ketua Program AP116, En. Muhamad Ezad Pahraraji. Dalam taklimat ini, pelajar-pelajar telah diberikan sedikit gambaran mengenai latihan praktik yang bakal mereka jalani nanti. Mereka juga diberikan nasihat tentang tanggungjawab semasa tempoh latihan berjalan.

Sewaktu kursus, peserta telah didedahkan dengan perkara-perkara penting dalam menjamin keselamatan semasa di tempat kerja. Beberapa kes benar telah dipaparkan untuk memberikan penekanan akan pentingnya menjaga keselamatan di setiap masa dan suasana. Keratan akhbar, gambar serta dokumen lain memberikan kesedaran mendalam kepada peserta agar tidak mengambil mudah perkara tersebut.

Peserta yang telah mengikuti kursus ini dengan jayanya telah diberikan "kad hijau" CIDB yang merupakan pra-syarat untuk membolehkan mereka berada di tapakbina untuk tempoh melebihi lapan jam dalam satu-satu masa. Mereka juga secara automatik diberikan perlindungan insuran Takaful untuk tempoh dua tahun di mana-mana saja lokasi, bukan saja di Malaysia malah di seluruh dunia. Ini penting kerana sebahagian besar pelajar yang akan pergi menjalani latihan praktik nanti akan ditempatkan di syarikat swasta ataupun agensi yang berkaitan terus dengan pembinaan. Malah sebahagian besar pelatih akan ditempatkan di tapakbina ataupun perlu melawat tapakbina dalam tempoh latihan praktik selama 5 bulan itu.

Kursus ini amat penting dan akan dianjurkan setiap semester. Walaupun pada peringkat permulaan ini ia dianjurkan untuk pelajar-pelajar FSPU, namun ianya akan dibuka kepada pelajar fakulti lain dan kakitangan yang berminat pada masa hadapan. Untuk menjamin keberkesanan dan kelancaran kursus ini, pihak CIDB mensyaratkan setiap kumpulan peserta mengandungi tidak melebihi 40 orang sahaja bagi setiap siri. *(Dilampirkan gambar foto semasa kursus berjalan-ikhsan dari IIQam)*



Pertandingan Khat Dan Karektor Cina

Wee Sheau Ping

Akademi Pengajian Bahasa dengan kerjasama CITU telah menganjurkan pertandingan khat (tulisan Arab) dan karektor Cina pada hari Sabtu, 7 April 2007 bersamaan 19 Rabi'ul Awal 1428 Hijrah. Pertandingan yang julung kalinya diadakan ini bertempat di Dewan Kuliah 2 UiTM Sarawak bermula pada jam 9 sehingga 11 pagi dengan tema pertandingan menghayati keindahan seni khat dan karektor Cina.

Seramai 49 orang peserta yang mengambil bahagian dan para pelajar telah menunjukkan komitmen yang tinggi dalam pertandingan. Pertandingan ini telah dibuka kepada semua pelajar yang berminat. Dalam pertandingan ini tiga pemenang dipilih oleh hakim-hakim dari penulisan khat dan karektor Cina.

Objektif pertandingan ini ialah :

1. Memupuk minat pelajar untuk mempelajari tulisan khat dan karektor Cina.
2. Menyebarkan keindahan seni khat dan karektor Cina
3. Mencungkil bakat pelajar dan kreativiti pelajar menulis khat dan karektor Cina.

Pemenang

1. PERTANDINGAN KHAT

Tempat Pertama:
Nur Shuhada Bt Yussoff

Tempat Kedua:
Fatin Nurhanisah Salehudin

Tempat Ketiga:
Mohd Azri Bin Mohd Suhaimi Yeong

2. PERTANDINGAN KAREKTOR CINA

Tempat Pertama : **Suzie Bt M. Isa**

Tempat Kedua : **Jully Jim ak Sokep**

Tempat Ketiga: **Magdalene Rinya Tenny**



Memetik dari Amanat Tahun Baru 2007: *Kemampuan Kepimpinan Strategik dalam Memperkasakan Kecemerlangan Akademik* (Ibrahim Abu Shah, 2007: 1-2), kita boleh mengetahui bahawa amanat Naib Canselor kita, Yang Bahagia Dato' Seri Dr. Ibrahim Abu Shah ini telah "... disampaikan dalam konteks imbasan pencapaian tahun lepas, cabaran semasa, dan fokus tahun baru." menerusi "... tema-tema terpilih". Tema Amanat pada kali

ini, *Kemampuan Kepimpinan Strategik dalam Memperkasakan Kecemerlangan Akademik* adalah bersesuaian dengan keperluan dan kehendak dalam kampus kita di Samarahan ini. Beliau juga ada menyebut bahawa satu faktor yang penting ialah kekuatan

Amanat Naib Canselor

minda kepimpinan sama ada di universiti mahupun negara. Tambah beliau lagi, untuk memastikan kecemerlangan universiti ini diperkasakan, "...kepimpinan peringkat dalaman tanpa mengira aras perlu bersifat strategik bukan sahaja dari aspek pemikirannya malah juga dari aspek amalan dan tingkahlakunya. Selain itu, beliau turut menegaskan bahawa keperluan untuk "...peka dengan keadaan persekitaran, cabaran dan peluang yang wujud".

Untuk tahun 2007 ini, beliau juga mengatakan bahawa "...kecemerlangan akan mengambilkira aspek kualiti hasil, baik graduat, penyelidikan, inovasi mahupun penerbitan, perundingan ataupun hasil aktiviti pelajar untuk penyediaan ke arah aspek penarafan dalam tempoh terdekat" (Ibrahim Abu Shah, 2007:2). Antara perkara-perkara utama yang menjadi intipati dalam Amanat Naib Canselor ialah:

1. Lima Puluh Tahun Pertama UiTM dan Pencapaiannya
2. Definisi Kepimpinan Strategik dan Kecemerlangan Akademik
3. Manifestasi Pencapaian UiTM dalam Tahun 2006

4. Pembangunan Program
5. Program yang mendapat Pengiktirafan Profesional (sehingga 2006)
6. Penyelidikan / Inovasi dan Penerbitan
7. Pemantapan Kualiti Pengurusan Universiti
8. Lulusan Mengikut Peringkat (2006)
9. Keboleherjaan Graduat
10. Kepuasan Hati Graduat terhadap Sistem UiTM Keseluruhan
11. Sasaran Enrolmen 200, 000 dan Pengambilan Pelajar Baru (2006)
12. Perhubungan Industri / Antarabangsa
13. Pencapaian Aktiviti Pelajar
14. Modal Insan Universiti
15. Governans Universiti
16. Saiz fizikal dan Enrolmen
17. Cabaran-Cabaran yang perlu ditangani:

Isu-isu Tertanggung yang perlu diselesaikan segera;

- i. Penterjemahan Shared Vision yang menyeluruh
- ii. Semakan Kurikulum
- iii. Pelaksanaan Konsep Gugusan
- iv. Pelaksanaan Program Double Major, Major Minor
- v. Pelaksanaan Bahasa Inggeris
- vi. Pelaksanaan Program Kesusahawanan (Entrepreneurship)
- vii. Pelaksanaan Polisi Universiti seperti Polisi Akademik, ATA dan Dasar Pengurusan
- viii. Penyelidikan & Inovasi
- ix. Dasar penubuhan Pusat Kecemerlangan
- x. Profesor Kontrak
- xi. Pemantapan Sistem Pengurusan
- xii. Jaminan Kualiti Akademik menerusi MQF
- xiii. Pelaksanaan Latihan Praktik
- xiv. Pelaksanaan E-Learning
- xv. Pelaksanaan Latihan Kepimpinan
- xvi. Perolehan dan Penggunaan Kemudahan ICT
- xvii. Penyampaian Perkhidmatan
- xviii. Sumber Manusia
- xix. Penghayatan dan Pelaksanaan Dasar Q-Q 5E dan Hadhari Scorecard

Isu-isu yang berpotensi menjadi halangan;

- i. Penarafan dalam Konteks Kedudukan Global
- ii. Pembangunan Bidang
- iii. Mengenalpasti konflik antara isu sebagai asas inovasi kepimpinan untuk kecemerlangan
- iv. Mekanisme Penyelesaian

Dalam amanat tersebut, Yang Bahagia Dato' Seri Dr Ibrahim Abu Shah juga berpesan kepada "...semua lapisan warga UiTM sama ada staf akademik dari professor hingga kepada pensyarah muda, staf pentadbiran dari golongan pengurusan/professional hingga kepada pembantu am serta tukang dan pelajar dari sarjana PhD hingga diploma haruslah menanam dalam diri kita semangat jati diri untuk terus membawa UiTM ke tahap yang lebih tinggi dengan kerjasama padu" (2007:39). Beliau juga turut menasihatkan kita agar lebih mengutamakan "...kesejahteraan dan kesederhanaan bersama dengan meninggalkan amalan-amalan buruk kepimpinan seperti merancang untuk gagal, menabur fitnah untuk kepentingan sendiri, mengenyepikan yang hak, dan mengaburi pihak yang lebih atas dengan maklumat-maklumat palsu" (2007: 39).